

ხელშეკრულება სახელმწიფო შესყიდვის შესახებ №11

ქ. თბილისი.

იანვარი 2020წ.

შემსყიდველი: სსიპ. ივანე ბერიტაშვილის ექსპერიმენტული ბიომედიცინის ცენტრი, წარმოდგენილი დირექტორის დავით ნადარეიშვილის სახით.

მისამართი: ქ. თბილისი, გოთუას ქ. №14.

ტელ: +995 32 2371 231.

საბანკო რეკვიზიტები: სახელმწიფო ხაზინა, კოდი TRESGE22. ა/ა GE24NB 0330 1002 0016 5022.

საიდენტიფიკაციო კოდი 205297007.

მიმწოდებელი: შპს „ავერსი-ფარმა“, წარმოდგენილი მისი კომერციული დირექტორის ეკატერინე მიქელაძის (მინდობილობის სარეგისტრაციო ნომერი №191524374, ინდივიდუალური №46394030316519 სახით.

მისამართი: ქ.თბილისი, დ. აღმაშენებლის გამზ. №148.

ტელ: +995 32 2987-860. 2997-970.

საბანკო რეკვიზიტები: ს.ს. „საქართველოს ბანკი“ ც/ფ; კოდი BAGAGE22.

ა/ა GE49BG 0000 0006 1008 8800.

საიდენტიფიკაციო კოდი: 211386695

ერთი მხრივ შემსყიდველი და მეორე მხრივ მიმწოდებელი, „სახელმწიფო შესყიდვების შესახებ“ საქართველოს კანონის მე-9 მუხლის მე-3¹ პუნქტის „ა“ ქვეპუნქტის შესაბამისად და ცენტრის დირექტორის მოადგილის თამარ დომიანიძის სამსახურებრივი ბარათის №61277, 22.01.2020წ. საფუძველზე, დებენ გამარტივებული სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3 „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.
- 1.6. „საქონელი“-ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი.

ხელშეკრულების საგანს წარმოადგენს ცენტრის 2020 წლის საბიუჯეტო დაფინანსების ფარგლებში 100 აშკულა კეტამინის (**CPV-33661000** პრეპარატები ნერვული სისტემისათვის) გამარტივებული შესყიდვა, რომელთა რაოდენობა და ფასი მოცემულია ხელშეკრულების მე-3 მუხლის 3.3. ქვეპუნქტით გათვალისწინებულ ცხრილში.

3. ხელშეკრულების ღირებულება

- 3.1. საქონლის ღირებულებაა 114.00 (ას თოთხმეტი ლარი და 00 თეთრი) ლარი.
- 3.2. ხელშეკრულების ჯამური ღირებულება მოიცავს შემსრულებლის ყველა ხარჯს.
- 3.3. საქონლის დასახელება და ფასი მოცემულია ხელშეკრულების ცხრილში.

№	დასახელება	რაოდენობა	ერთი კოლოფის ფასი (ლარი)	სულ ფასი (ლარი)	CPV კოდები
1	კეტამინი 50 მგ/მლ 2მლ ამპულა №10.	10 კოლოფი	11.40	114.00	33661000
	ჯამი			114.00	

4. ანგარიშსწორება

- 4.1. ანგარიშსწორება მიმწოდებელთან განხორციელდება უნაღდო ანგარიშსწორების წესით ეროვნულ ვალუტაში.
- 4.2. ანგარიშსწორება მოხდება ფაქტიურად მოწოდებული საქონლის ღირებულების მიხედვით მიღება-ჩაბარების აქტის გაფორმებისა და შესაბამისი საგადასახადო დოკუმენტაციის წარმოდგენის საფუძველზე 10 სამუშაო დღის განმავლობაში.

5. საქონლის მიღება-ჩაბარების წესი

- 5.1. მოწოდებული საქონელი მიღებულად ჩაითვლება მხოლოდ მხარეებს შორის სასაქონლო ზედნადების და მიღება-ჩაბარების აქტის გაფორმების შემდეგ, რომელთა ხელმოწერამდე ყველა ქონებრივი უფლება საქონელზე ეკუთვნის მიმწოდებელს, რომელიც პასუხისმგებელია შესაძლო რისკებზე-საქონლის შემთხვევით (მთლიანად ან ნაწილობრივ) დაღუპვაზე, გაფუჭებაზე ან რაიმე ზიანზე. აღნიშნული დოკუმენტის გაფორმების მომენტიდან აღნიშნული უფლებები და რისკები გადადის შემსყიდველზე.
- 5.2. მიღება-ჩაბარების აქტის საფუძველია წინამდებარე ხელშეკრულების მე-8 მუხლის 8.2. პუნქტით განსაზღვრული კონტროლის განმახორციელებელი პირის დასკვნა.
- 5.3. მიმწოდებელი ვალდებულია შემსყიდველის მხრიდან მოთხოვნილი მოწოდებული უნაკლო საქონლის მოწოდების დადასტურებისა და ანაზღაურების მიღების მიზნით შემსყიდველს წარუდგინოს შესაბამისი საგადასახადო დოკუმენტაცია.
- 5.4. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს ცენტრის დირექტორი დავით ნადარეიშვილი.

6. შესყიდვის ობიექტის მიწოდების ვადა და ადგილი

- 6.1. მიმწოდებელი ვალდებულია **2020 წლის 7 თებერვლის ჩათვლით** განახორციელოს შემსყიდველი ორგანიზაციისათვის საქონლის მოწოდება.
- 6.2. საქონლის მიწოდების ადგილია: ქ. თბილისი, აღმაშენებლის №148ა, (შ.პ.ს. „აგერსი-ფარმას“ აფთიაქი №13). საქონლის შესყიდვის მომენტად ითვლება აღნიშნულ მისამართზე მხარეთა მიერ სასაქონლო ზედნადების გაფორმების თარიღი, რა მომენტიდანაც შემსყიდველზე გადადის 5.1. პუნქტით გათვალისწინებული საკუთრების უფლება.

7. მხარეთა უფლება-მოვალეობანი

მიმწოდებელი ვალდებულია:

- 7.1.1. შემსყიდველს მოაწოდოს ხელშეკრულებაში მითითებული საქონელი წინამდებარე ხელშეკრულებით გათვალისწინებულ ვადაში. იგი პასუხისმგებელია მოწოდებული საქონლის ხარისხზე.
- 7.1.2. მიღება-ჩაბარების აქტის დაფორმებამდე დეფექტიანი ან ნაკლოვანი საქონლის ჩანაცვლებისას შემსყიდველს მიაწოდოს წინამდებარე ხელშეკრულებით გათვალისწინებული ხარისხის საქონელი.
- 7.2. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3. შემსყიდველი ვალდებულია:

- 7.3.1. უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.
- 7.3.2. განახორციელოს ამ ხელშეკრულებით გათვალისწინებული სხვა ვალდებულებები.
- 7.4. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. ხელშეკრულების შესრულების კონტროლი

- 8.1. შესყიდვის ობიექტი მიღებულად ჩაითვლება მხოლოდ შემდეგი პირობებით:
 - 8.1.1. მიმწოდებლის მიერ ხელშეკრულებით გათვალისწინებული საქონლის შემსყიდველისათვის მიწოდებისას კონტროლის განმახორციელებელი პირი ამოწმებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და ადასტურებს შესაბამისი დასკვნით, ხოლო ამის შემდეგ მიმწოდებელსა და შემსყიდველს შორის ფორმდება მიღება-ჩაბარების აქტი.
- 8.2. ხელშეკრულების 8.1.1. პუნქტით გათვალისწინებულ კონტროლს შემსყიდველის მხრიდან განახორციელებს ცენტრის დირექტორის მოადგილე თამარ დომიანიძე.
- 8.3. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

9. ხელშეკრულების პირობების შეუსრულებლობა.

- 9.1. ფორს-მაჟორული პირობების გარდა, სახელმწიფო შესყიდვის შესახებ ხელშეკრულების მოქმედების პერიოდში მხარეთა მხრიდან ხელშეკრულებით გათვალისწინებული ნებისმიერი ვადის დარღვევის შემთხვევაში მხარეს უფლება აქვს მოითხოვოს ხოლო ასეთ შემთხვევაში დამრღვევ მხარე ვალდებულია გადაიხადოს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების/გადასახდელი თანხის 0.02% ოდენობით.
- 9.2. მხარის მიერ ხელშეკრულებით ნაკისრი ვალდებულებების არაჯეროვანი შესრულების ან/და შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ხელშეკრულების ღირებულების 1%-ის ოდენობით.
- 9.3. იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ პუნქტის 9.2. ქვეპუნქტით გათვალისწინებული პირობები.
- 9.4. დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1. ხელშეკრულების პირობების ნებისმიერი ცვლილება უნდა გაფორმდეს მხარეთა წერილობითი ფორმის შეთანხმების სახით რომელიც ჩაითვლება ხელშეკრულების განუყოფელ ნაწილად.
- 10.2. ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები გარდა საქართველოს სამოქალაქო კოდექსის 398-ე მუხლში გათვალისწინებული პირობების შემთხვევაში. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

- 10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

- 11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარო საწარმოო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავების გადაწყვეტის წესი

- 12.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.
- 12.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი.

„სახელმწიფო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა.

- 14.1. ხელშეკრულება ძალაში შედის მისი ხელმოწერის დღიდან და მოქმედებს 2020 წლის 13 მარტის ჩათვლით.

15. ზოგადი დებულებები.

- 15.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

- 15.2. მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით..
- 15.2. ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

მხარეთა რეკვიზიტები:

შემსყიდველი:

მიმწოდებელი:

სსიპ ივანე ბერიტაშვილის
ექსპერიმენტული ბიომედიცინის
ცენტრი.
ს/კ 205297007

შ.პ.ს. „ავერსი-ფარმა“
ს/კ 211386695

დირექტორი:
დ. ნადარეიშვილი

კომერციული დირექტორი:
ე. მიქელაძე